

欽定天文正義

欽定天文正義卷六

象占總論

象占總論

史記天官書太史公曰自初生民以來世主曷嘗不歷日月星辰及至五家三代紹而明之內冠帶外夷狄分中國為十有二州仰則觀象於天俯則法類於地天則有日月地則有陰陽天有五星地有五行天則有列宿地則有州域三光者陰陽之精氣本在地而聖人統理之幽厲以往尚矣所見天變皆國殊窟穴家占物怪以合時應其文圖籍襍祥不法是以孔子論六經紀異而說不書至天道命不傳傳其人不待告告非其人雖言不著昔之傳天數者高辛之前重黎於唐虞羲和有夏昆吾殷商巫咸周室史佚其弘於宋子韋鄭則裨

竈在齊甘公楚唐昧趙尹舉魏石申夫天運三十六歲一小變
百年中變五百載大變三大變一紀三紀而大備此其大數也
為國者必貴三五上下各千歲然後天人之際續備太史公推
古天變未有可考於今者蓋略以春秋二百四十二年之間日
蝕三十六彗星三見宋襄公時星隕如雨天子微諸侯力政五
伯代興更為主命自是之後眾暴寡大并小秦楚吳越春秋
也為疆伯田氏篡齊三家分晉並為戰國爭於攻取兵革更
起城邑數屠因以饑饉疾疫焦苦臣主共憂患其察祲祥候
星氣尤急近世十二諸侯七國相王言從衡者繼踵而舉唐
甘石因時務論其書傳故其占驗凌雜米鹽二十八舍主十

二州斗氣從之所從來久矣秦之疆也候在太白占於狼弧吳
楚之疆候在熒惑占於鳥衡燕齊之疆候在辰星占於虛危
宋鄭之疆候在歲星占於房心晉之間疆亦候在辰星占於
參罰及秦并吞三晉燕代自河山以南者中國中國於四海內
則在東南為陽陽則日歲星熒惑填星占於街南畢之其西
北則胡貉月氏諸衣旃裘引弓之民為陰陰則曰太白辰星
占於街北昴主之故中國山川東北流其維首在隴蜀尾沒于
勃碣是以秦晉好用兵復占太白太白血主中國而胡數侵掠獨
占辰星辰星出入躁疾常主喪狄其大經也此更為客主人熒
惑為客外則理兵內則理政故曰雖有明天子必視熒所在諸

侯更彊時菑異記無可錄者秦始皇之時十五年彗星四見以
者八十日長或竟天其後秦遂以兵滅六王并中國外攘四夷
死人如亂麻因以張楚並起三十年之間兵相駢藉不可勝數
自蚩尤以來未嘗若斯也項羽救鉅鹿枉矢西流山東遂合從
諸侯西坑秦人誅屠咸陽漢之興五星聚于東井平城之圍月
暈參畢七重諸品作亂日蝕晝晦吳楚七國叛遂彗星數丈
天狗過梁野及兵起遂伏口流血其下元光元符蚩尤之旗再
見長則半天其後市師師四出誅夷狄者數十年而伐胡尤甚
越之亡熒惑守斗朝鮮之拔星茀於河戒兵征大宛星茀搖搖
此其聲證大者若至委曲小變不可勝道由是觀之未有不

先形見而應者也隨之夫自漢之為天數者星則唐都氣則王朔占

歲則魏鮮故甘石歷五星法唯獨樊惑有反逆行逆行所守及他星逆行日月薄蝕皆以為占余觀史記考行事百年之中五星無出而不反逆行反逆行嘗盛大而變色日月薄蝕行南北有時此其大度也故紫宮房心權衡咸池虛危列宿部星北天之五官坐位也為經不移徙大小有差潤狹有常水火金木填星此五星者天之五佐為經緯見伏有時所過行贏縮有度日變修德月變省刑星變結和凡天變過度乃占國君彊大有德者昌弱小飾詐者亡太上修德其次修政其次修教其次修禳正下無之夫常星之變希見而三光之占極用日月暈適

雲風此天之容氣其發見亦有大運然其與政事俯仰最近大
人之符此五者天之感動為天數者必通三五終始古今深觀
時變察其精粗則天官備矣

漢書天文志經星常宿中外官皆有州國官宮物類之象其伏
見早晚邪正存亡虛實潤涸及五星所行合散犯守陵歷闕食
彗孛飛流日月薄蝕暈適背穴北珥虹蜺迅雷風祲怪雲變
氣此皆陰陽之精其本在地而上發於天者也政失於此則變
見於彼猶景之象形響之應聲是以明君觀之而寤飭身正事
思其咎謝則禍除而福至自然之符也

唐書歷志曰由歷數之中以合辰象之變觀辰象之變反求歷

數之中類其所同而中可知矣辨其所異而辨可知矣其循度則合於歷失行則合於占占道順成常執中以追變歷道逆數常執中以俟變知此之說者天道如視諸掌

按孔子論六經記異而說不書至天道命不傳傳其人不待告告非其人雖言不著由是觀之天文之義難言之矣蓋自重於義和以來諸言天數者書不盡傳在漢時存者巫咸甘石三家而已至若西漢唐都王朔京房李尋之徒東漢郎顗襄楷張衡蔡邕之屬皆長於天文舊異魏晉南北朝亦世有其人唐則李淳風一行等各有論著皆不盡傳於世宋金元明天文之術寢以益微惟歷代正

史畧記時變而術家則有若唐開元占觀象玩占天元玉
歷祥異賦精義賦天文會通管窺輯要等書今閱其全
文或機祥不法或凌雜未鹽有非醇儒所道聖法所許
故往往有其占無其應倘欲據以彰往祭來殆無異于
叩槃捫燭之見也夫信者既不傳傳者又不可必信則先
推明乎理數之常而後審擇其象占之變明其常則不惑
於術數之矯誣審其變則不遺夫觀文之本意若夫欽
若昊天克謹天戒則又通乎常變而為聖人統理之大
權而天官家言之所以不廢者亦在乎此矣

欽定天文正義卷七

天占

天占

史記天官書天運三十歲一小變百年中變五百載大變三大變一紀三紀而大備此其大數也為國者必貴三五上下各千歲然後天人之際續備

凡天變過度乃占

宋史天文志夫不言而信天之道也天於人君有告戒之道焉示之以象而已故自上古以來天文有世掌之官唐虞羲和夏昆吾商巫咸周史佚甘德石申之流居是官者專察天象之常變而述心告戒之意進言於其君以致交修之儆焉易曰天垂象見吉凶聖人則之又曰觀乎天文以察時變是

是也然考堯典中星不過正人事時以興民事夏仲康之世
亂征之篇乃序秋月朔辰弗集于房然後日食之變昉見
於書觀其數義和以倣擾天紀昏迷天象之罪討之則
知先王克謹天戒所以責成于司天之官者豈輕任哉箕子
洪範論休咎之徵曰王省惟歲卿士惟月師尹惟日庶民
惟星星有好風星有好雨禮記言體信達順之效則以天
降膏露先之至於周詩屢言天變所謂旻天疾殲威敷于
下土又所謂雨無_虐傷我稼穡正月繁霜我心憂傷以及彼
月而微此日而微燿燿震電不寧不令孔子刪詩而存之
以示戒也他日約魯史而作春秋則日食星變屢書而不

為煩聖人以天道戒謹後世之旨昭然可觀矣

天變色

晉書天文志洪範傳曰清而明者天之體也天忽變色是謂易常

觀象玩占天忽變色不出八年有戰兵 天色赤黃如

火濁氣四塞天下閉賢絕道 天日入時忽有赤光燭

地行人有影有反者 天晝晦臣制君晝晦見星國亡

天沉陰日月無光晝不見日夜不見星有雲障而無雨

此謂君臣俱有陰謀若雨敵相當則為陰相圖議若晝

陰夜月出為君謀臣夜陰而晝日出為臣謀君夏侯勝

曰天久陰而不雨臣下有謀土者

管窺輯天以輕清為體色變昏黑者君不明慘白為喪
憂赤如火血為兵起黃為土功興慘黃大風災天色慘白
昏蒙遊氣往來蔽覆日月失色必有蔽主明者黃氣
四塞天下溺亂兵災俱起

天裂

史記天官書天開縣物集解遼康曰謂天裂而見物象
天開示縣象

晉書天文志天裂陽不足是謂臣疆 天裂見心兵起
國亡

開元占天鏡曰天以冬裂天下大兵有陰謀主喪春秋言君臣懷憂夏冬言有大兵

觀象玩占天裂下人而言者善惡如其言 天裂見牛馬豕天子庶民皆憂 天裂見光流血滂滂

天鳴

史記天官書天鼓有音如雷非雷皆在地下及地其所往者兵發其下

晉書天文志天鳴有聲至尊憂且驚

觀象玩占京房曰萬姓勞厭妖天鳴一曰天鳴如風水相薄亂臣作人主憂一曰天鳴其下有立王一曰刑殺失

當民流亡

天雨異物

蘇軾喜雨亭記雨麥於岐山之陽其占為有年 開元

占易飛侯曰天雨膏其國有急 天雨血流染衣其國

亡君戮 天雨金錢大兵入 天雨冰其國大疾 天雨五

穀其國大飢 天雨梳其國有權 天雨釜鬲其國大飢

天雨隰其君有咎 天鏡曰天雨如水銀是謂刑枉兵喪

並起 天雨絲帛天下有兵喪不出六年兵起且訛 天雨

布帛為兵喪

觀象玩占凡天雨下物非人所聞見者皆大兵之兆其災

見所主國分 天雨土君失封五行傳是謂黃青土失其
性也百姓勞苦而無功易飛侯曰主不安外戚有謀 天
雨石民流亡兵起甘氏曰無雲而雷隕石陸地火及一丈形
如雞子雨頭銳名曰天鼓所下之邦必有大戰伏屍數萬不
可救 天雨沙民饑 天雨灰民其國亡 天雨禽獸是謂
不祥不出三年其下兵起一曰民流亡有喪 天雨人是謂
凶殃 天雨魚鼈民流亡臣專政有兵喪 天雨蟲其國
兵災並起 天雨瘠是謂陽消不出三年有內爭易飛侯
曰師將破亡一曰其國大飢 天雨筋其國大飢 天雨膏
將敗國有意 天雨肉有兵亂 天雨血是謂天見其妖不

出三年兵起

天雨毛貴人憂征役繁興戶口彫散國飢民

流下人相食一曰大風為災天鏡占曰天雨毛羽有喪不出

九年兵起易兆侯曰天雨羽毛大風為災

天雨爵錫為飢

荒爵錫如甘露著樹白者甘露黃者爵錫

天雨赤雪

有大兵起大戰有國亡

天雨金錢是謂刑罰有餘不出一

年兵起於朝

天雨錢其國大飢有兵亂或雨于人家其家

有大殃

天雨金銀鐵花兵將興

天雨絮兵起

天雨布

帛兵喪並起人流無所

天雨繡狀如麻茅脆若地毛大

飢人流有積骸

天雨墨臣下有陰謀

天雨如杵臼其

國飢

天雨如釜甄歲大豐稔其形如小錢許大或從地

中出其中有如小麻黍粟大世人謂之蒸餅豐稔之徵也
天雨笠國大飢 天雨戟不出三年兵起 天雨五穀是謂
禾不熟京房曰天雨五穀是謂惡祥不出一年人民流亡
天雨粟不肖者食祿三公易位 天雨黍為政者去他
國有死將 天雨草其歲人多兵死易飛侯曰天雨草國
有殃民破亡 天雨木其歲多風五穀傷民多死一曰人
多兵死 天雨花國有喪凡言天雨器物皆其形似非真
此物也曾見下黑雨落地皆成墨水麥遭之者皆腐此
其所謂雨墨者也

天火

觀象玩占天下火焚燒是謂大殃民人逃亡莫知其鄉

天火燒國郭門其地有謀將發天下火燒邑城門其邑

圉天火焚宗廟社稷其國將亡天火荐燒民社舍大

兵方起天火燒山阜民不安其居天火燒野五穀國

將亡天火燒大木姦兵起六月降霜天火燒牛馬其

邑有兵屠裂天下火音如雷鼓臣下有謀

欽定天文正義卷八

地占

地占 山水占附

禮記禮運地秉陰竅於山川

史記天官書地動圻絕山崩及徒

按漢書作陷

川塞谿垞水澹

澤竭地長見象城郭門閭閭集枯橐

按漢書作宮廟邸第

人民所次謠俗車服觀民飲食五穀草木觀其所屬倉

府廩庫四通之路六畜禽獸所產去就魚鼈鳥鼠觀其

所處鬼哭若呼其人逢悟化言誠然集解徐廣曰土雍曰

垞駟案孟康曰谿谷也垞崩也蘇林曰垞流也

按漢書如淳曰垞填塞不

通索隱悟也也劉伯莊曰逢悟謂相逢而驚也悟亦作逢音同

化當為訛字之誤耳

開元占淮南子曰重濁者淹滯而為地聖謚論曰孔昆云
普天之下華嶽列居河海所流邱陵墳衍總為之地素問
曰積陰為地故地者濁陰

觀象玩占地者積陰以靜為體

地震

開元占京氏曰地動陰高者為下下者為陽任小人為上
宰置君子於下位此陰高而陰陽卑也故反也害及大人
觀象玩占地震動者陰有餘也主弱臣彊后妃專政外戚
擅權陽伏而不能出陰迫而不能出陰陽相搏故地震動
地動民不安地震以六癸陰極之于或在己亥陰陽氣窮

之日皆主兵起殺戮之事震於陽歲則熟震于陰歲則人
災不熟震于陰極亥日則兵飢震于陽極巳日則有兵而歲
熟君弱臣強則地震於春夏臣欲篡叛則震於秋冬皆陽
失而陰盛之兆也地動驚禽獸京房曰米貴物不收盜賊
起不出二年地動壞城郭京房曰天下亡地地動變室天
下兵行地動獨於宗廟朝廷國有亂臣地動搖木震水波
臣專政地動有赤水出司馬出戮地動殺人賊臣為暴地以
春動歲凶夏動人主憂五穀不熟秋動兵起冬動其邑有
土功一曰大水地動有聲其地大亂地動十日以上大兵起
地動三年其國民流地動千里是謂陰盛陽衰國有喪一

曰不出三年兵起地動者民擾也軍中地動有大戰有反軍
一曰軍中地震往彼軍利以攻擊震入我軍宜固守

地拆

禮記月令季秋行冬令土地分裂註大寒之時地隆拆也疏
正義曰土地分裂地災仲冬之月地始拆

開元占漢含孳曰大夫專權邱陵地拆京房易傳曰地拆裂
者臣下分離不肯相從災至王公

觀象玩占地動而拆有意令近臣謀兵韋興傳曰地拆裂士
庶分離大臣專恣京房曰陰背陽則地拆又曰地拆者臣不
相附天下分離之象也潛潭已曰地裂下分威一曰地裂大

水溢地裂有聲天下不寧兵起國易主一曰急兵起京房占
曰地劈於邑城毀廢地劈于朝天下有大兵其邑亡春夏無
傷地劈於宮殿社稷亡地劈社稷及大祠其下邑有大殃一
曰大兵起地劈於邱冢民大死亡地裂市邑其分有殃地鏡
曰地劈在城門驕臣從中起邑有謀兵在社稷有大兵在市
里人居不出三年兵起國憂在大道中王道絕有分地而居
者一曰天下不通地劈見雜物皆為兵起地裂見水兵起
國災地裂民流亡冬裂其國邑亡夏裂五穀貴地裂
劈而鳴君不任政臣令行地劈有音洶洶天下動搖

地陷

觀象占 鏡占曰地自陷天王亡地一曰陰吞陽下相屠一
曰主勢奪地鏡占曰地無故自陷天下兵亂大水易妖占曰
地陷君亡地陷城坑或為池不出一年兵興人家地自陷其
人亡地鏡曰地春陷大水魚行人道夏陷其國有兵亦有非
常之水秋陷大兵冬陷有兵大水一曰地冬春陷民飢易妖
占曰地自陷下以正月國有大事三月大水且自五月天下
有兵民離其鄉六月大水猝至七月兵天行下兵大行八月
天下動搖九月天下有亡君十月天下有兵十一月有水兵
且行十二月大水民流傷軍中地忽自陷主將憂死急徙之
邑沒而成溝是謂陰反陽不出二年女子有爭為主后者

邑廢而為枯陵，佞人與賢人爭權，不出一年，其邑亡。邑滅而
成土，與屋同高，是謂陰掩陽，不出一年，天兵興，陵塚自陷，天
下移。

地鳴

開元占地鏡曰：地中咄咄有聲，人君好興兵相攻。觀象玩
占地鳴天下起兵相攻。地中洶洶有聲，京房曰：是謂凶祥。
其地有殃，塚鳴天下兵。

地然

觀象玩占京房易占曰：火出地，其國大出；水出，國君死。一曰：地
出火，自然；其民殘。一曰：地然有亂，兵自相攻殺。天文錄曰：地

然陰行陽政臣下自恣終以自害故地出火自然終以自焚也軍中地忽生火軍敗將死地中出煙百姓怨臣下有謀

地出血

開元占潛潭已曰地歐血禍之極効也地鏡曰地無故正赤如燃兵大起

觀象玩占易妖占曰臣功戮厥妖地生血地鏡曰地出血亂兵起國為墟京房曰地生血急去之

地生光

觀象玩占地鏡曰地忽生光如火照人其國危亡潛潭已曰地生光女謁行又曰小人進賢人滅

地出泉

醴泉銘禮緯云王者刑殺當罪賞錫當功得禮之宜則醴泉出於闕庭鵲冠子曰聖人之德上及太清下及太寧中及太靈則醴泉出瑞應圖曰王者純和飲食不貢獻則醴泉出飲之令人壽

開元占禮斗威儀曰君乘土而王其政太平則蒙水出于山地鏡曰湧泉忽妄生臣為禍害或以疾不過三年國憂有喪家中庭忽出泉者當富

觀象玩地地無故忽出泉成澤地鏡曰天下亂兵起且有大水人家中庭湧泉無故自出其家有喪地無故生泉其邑有兵

年中米貴易候曰天不雨而地自出泉其國亂從中起

地長

觀象玩占地鏡曰地忽生長在大道中天下不通地長邑下

其邑治毀地長市中國有利地長社稷王者有益地地長洲

島益地地自長如邱壘其上生草木其國失土亡民在春秋

夏月則吉地卒長有生樹國安有死樹國失地地土倖踊下

人將起地夏長歲熟秋長有亡君易地一曰殺六畜冬長兵

動人不安地長卒高其國易政地長而生樹天下受福街巷

道路無故自踴高起國有逆臣若逆賊不出三年敵國來侵

民散亡軍地暴長主將戰勝有功有封爵益邑

地生雜物

開元占地鏡曰地無故生雜物皆天下亂兵起大水石生平野庶人逆謀興兵臣反不出三月齊兵起易傳曰地自生卯將軍且疾

觀象玩占地生毛天下亂兵起京房曰地生毛百姓勞地自五穀將軍得天道地忽生黃土黃石及黃色物將軍吉戰勝得地地忽生石礫急徙去之軍地忽生鐵士卒亡將軍死軍地忽生塵有大戰軍中地忽生荆棘軍破將死地生肉其國滅亡地生魃人將飢地生錢有兵來相攻急去勿面軍中地生土錢下有謀地忽生磐石其地可居吉管窺輯要

地生白毛兵起國不失土赤黑生毛血流千里國削土黃毛
兵起青毛兵起疫一曰地生百毛人勞苦地生錢花兵在外
不戰而回地生芻民將飢地忽生毛天下亂一曰歲大熟軍
在野地生蠅蟲軍破將死宋志曰地忽有佛神見像湧出者
人民流亡五穀微收蟲蝗為害

山變異占

詩小雅十月之交篇山冢峯崩高岬為谷淙谷為陵註山頂
曰冢峯崔巍也高岸崩陷故為谷淙谷填塞故為陵山崩水
溢亦災異之甚者

左傳山有朽壤而崩國主山川故山崩川竭君為之不舉

降服乘纓微樂出次祝幣史辭以禮焉。唐元占尚書中侯曰：山崩水潰，納小人董仲舒對災異曰：山者陰類，崩者忠貞所叛，臣蔽主之善，使恩澤不流，怨恚雍隔，民人乖散之象也。任賢良使忠貞以救之。京房對災異曰：山者三公之位，台輔之德也。乃興雲出雨，漫漶萬物，助天成功。今崩去者，此謂大臣懷叛不忠也。地鏡曰：山無故亡，人君失位。山無故晝夜有聲，如哭，天下兵喪。山有長光，臣不祥。山中見異類物，非人所常見者，各有形名音聲，皆為其邑大水或飢兵革行邑亡。又曰：石生於都邑，人君去故就新，不出三年易政。又曰：石生於宗廟中人，君不行先王法度。

觀象玩占災異書曰山者宰輔之位山崩者宰輔失職也地
鏡曰山春崩其國有伐城夏崩天下水秋崩有大兵冬崩大
飢京房曰國山崩君失政女戚擅權五年敗邑山崩邑有戰
有大水又曰山崩輔臣去山圻君臣替國易政有大喪一曰
山分裂女主有謀山鳴其地大亂賊起山穴作聲如雷不出
一年賊起山忽生於石上其邑有賤人暴貴山出火熾然
是謂鬼營亡國之徵山上忽生大石其邑喪主山石自動自走
其地有暴戾石自起立庶士為雄地鏡曰石生正方三公外
謀不出三年逆兵起石生重累不出五年相謀逆石生如聚
不出五年其邑有兵石生道中其所生國邑亡石生水中山上

見近臣謀逆石生平野無人與臣謀反石生如人形姦臣持
政石生如蜚鳥形內戚女主近臣謀逆石生作獸形諸侯起
兵石忽赤如血色地鏡曰父子道絕臣不從令石忽濕汗
出如血其地有兵起流血石拆有水主謀不成石自出火焚
草木臣下謀亂

管窺輯要石人泣戎兵起石鼓自聲若金鼓之響兵起有災
沴石生毛髮如絲絮不出五年有兵謀事

水變異占

詩小雅十月之交篇百川沸騰註沸出騰乘也

開元占地鏡曰河水壅下臣執政或主大水又曰凡水中忽

見異物皆為天旱潛潭已曰河水逆流怨氣甚京氏別對災
異曰河水赤者徵有冤恨誅殺不當則致河水赤也其救也
正獄刑解疑罪又曰水中大出何所謂陰氣溢亡陽施也崔
顗易林曰井水沸不可安居瑞應圖曰井不鑿自成王者清
淨則出流有仙人至之徵京房曰澤枯歲貧國易臣

觀象玩占地鏡曰水忽自竭其邑將虛都邑中水無故自絕
其邑將徙人流亡河徙是謂陰反不出五年有叛臣兵起民
流亡水逆流是謂逆道不出二年兵徙女主起澤水自竭百
姓哀苦澤水忽自無魚秋大水有兵起臣民有憂流水忽停
天下飢餓水忽流天下兵河溢不出三年國有憂水忽自盈

起大水水關京房易傳曰天子弱諸侯力政厥異水關水化為血其國有流血河清襄楷曰河者諸侯之象也其質本濁而清諸侯將為天子之象也清忽自濁天下將亂江河水沸京房占曰此執政懷姦不公衆邪並聚所致不救必有叛臣水無故自出高山其邑以兵亡山石岸忽有水出其地有謀不成水忽出市朝兵起井水赤地鏡曰其邑將為虛人家井忽自濁其家主有殃井忽自臭國君亡庶人家亡池井自溢有亂臣起井水溢在國君凶在邑主者凶一日兵起井忽自沸有聲在將軍死在邑長吏死在家其主人死京房易侯曰泉水沸賤人將貴井中出氣上至於天兵起國君在外則其

起之地有兵災井忽枯涸在邑邑室在家家破亡

欽定天文正義卷九

日占

日占

晉書天文志。日為太陽之精。主生養恩德。人君之象也。人君有瑕。必露其慝。以告示焉。故日月行有道之國。則光明。人君吉昌。百姓安寧。人君乘土而王。其政太平。則日五色。日變色。有軍軍破。無軍喪侯王。其君無德。其臣亂國。則日赤無光。日失色。所臨之國不昌。日晝昏。行人無影。到暮不止者。上刑急。下不聊生。不出一年有大水。日晝昏。烏鳥羣鳴。國失政。日中烏見。主不明。為政亂國。有白衣會。將軍出。旌旗舉。

隋書天文志。天氣清靜。無諸遊氣。日月不明。乃為失色。或天氣下降。地氣未升。厚則日紫。薄則日赤。若於夜則月白。皆將雨也。

或天氣未降地氣上升厚則日黃薄則日白若於夜則月赤將
旱且風亦為日月暈之候雨少而多陰或天氣已降地氣又升
上下未交則日青若於夜則月綠色將寒候也或天地氣雖交
而未密則日黑若於夜則月青將雨不雨變為雲霧暈背虹
蜺

宋史天文志君道至大則日色光明動不失時則日揚光至德
之萌日月如連璧君臣有道則日含王字君亮天工則日備五色
有聖人起則日再中人君有德日有四華光芒四出日有二華
一年再赦日有黃芒君福昌多黃輝王政太平日無光為兵
喪又為臣有陰謀日中見飛燕下有廢主日中黑子臣蔽主

明 日生牙下有賊臣

觀象玩占日者衆陽之宗人君之衆光明外發魄體內全匿精
揚輝圓而常滿人君之體也晝夜有節循度有常春生夏長秋
收冬藏人君之政也星月稟其光辰宿宣其氣生靈仰其照葵
藿慕其恩人君之德也日青無光其下死王一曰人主失勢京
房曰日青色君弱日有青光不出二旬大風羅貴十日以上民
多疾疫 日色變赤有兵爭日赤無光董仲舒曰大旱日赤如
赭兵車滿野日赤如火君喪臣叛其國乃亂日初出赤如火景
照地赤其所宿國亂亦為有兵流血日赤如血其下君愛臣叛
兵役並起 日色變黃土功興感精符曰閭刑庶孽謀詐作姦

董仲舒曰日黃無光山崩地動日色赤黃有旱亦爲火災日
色變白有亡諸侯若兩敵相當則其分軍敗其將死感精符曰
臣下有姦謀四夷動京房曰上微弱又曰臣無勇志天子自將
征伐一曰日白爲旱爲喪日色變黑天下大水民半死京房
曰君見惡於百姓而臣不爲掩也其占爲主令不行日有黑光
多死兵所見之國雜賁日黑無光董仲舒曰臣下爲政日色
變紫感精符曰夷狄內侵兵將用則日紫日色變黃濁黑光
動搖爲風雨不動搖爲憂病不則國有暴怒之令日變色乍赤
乍白滿十日臣謀君日無光五穀不成盜賊並起又曰臣恣
橫則日黃無光大臣擅權則日青無光子黨犯命權威宮國則

遊氣蔽日。日赤鬱映無色。日無雲不見光。比三日有喪。有滅國。
日生彗五色。君有大福。天下大穰。日上出黃芒。天下攻戰。日垂
芒。有戰。日生芒角。主人兵不利。日有四角。兵饑。六角。兵起。日垂
爪。兵起。日有白足。石氏曰。有敗軍。乙巳占曰。白足者。日影屬地。
色純白也。日赤足有舉兵。日兩足底雄起。郝萌曰。日生齒足者。
有反兵。日中有如立人者。君慎左右。日中有如人行者。臣叛主。
日薄。凡日蝕皆在朔。非朔而蝕謂之薄。不因日月同宿而別爲
陰氣所掩。其占爲死君。爲亡國。其災甚於晦朔之日食。
管窺輯要。日五色光。日如蓮。日重輪。日重珥。日再中。日中有王
字。光如練帶。並吉昌之瑞也。有封禪之慶。則日見重光。

日旁雲氣占

周禮春官。眡祲掌十煇之灋。以觀妖祥。辨吉凶。一曰祲。二曰象。三曰鑿。四曰監。五曰闇。六曰瞢。七曰彌。八曰叙。九曰隤。十曰想。掌安宅叙降。鄭司農云。煇謂日月光炁也。祲陰陽氣相侵也。象者如赤鳥也。鑿謂日旁氣四面反鄉如煇狀也。監雲氣臨日也。闇日月食也。瞢日月瞢瞢無光也。彌者白虹彌天也。叙者雲有次序如山在日上也。隤者升氣也。想者煇光也。鑿謂日旁氣刺日也。監冠珥也。彌氣貫日也。隤虹也。詩云。朝隤于西。想雜氣有似形可想。

史記天官書。兩軍相當。日暈。暈等力鈞。厚長大者勝。薄短小無

勝重抱大破無抱爲和背不和爲分離相去直爲自立立侯王
指暈若曰殺將負且戴有喜圍在中中勝在外外勝青外赤中
以和相去赤外青中以惡相去氣暈先至而後去居軍勝先至
先去前利後病後至後去前病後利後至先去前後皆病居軍
不勝見而去其發疾雖勝無功凡半日以上功大白虹屈短上
下兌有者下大流血日暈制勝近期三十日遠期六十日

晉書天文志凡遊氣蔽天日月失色皆是風雨之候也沉陰日
月俱無光晝不見日夜不見星有雲障之兩敵相當陰相圍議
也日濛濛無光士卒內亂又曰數日俱出若闢天下兵起大戰
日闕下有扶城日戴者形如直狀其上微起在日上爲戴戴

者德也。國有喜也。一云立日上爲戴。青赤氣抱在日上。小者爲冠。國有喜事。青赤氣小而交於日下爲纓。青赤氣小而負一二在日下。左右者爲紐。青赤氣如小半。暈狀在日_上爲負。負者得地爲喜。青赤氣長而斜倚日旁爲戟。青赤氣負而小在日左右爲珥。黃白者有喜。又曰有軍。日有一珥爲喜。在日西。西軍戰勝。在日東。東軍戰勝。南北亦如之。無軍而珥爲拜將。日旁如半環向日爲抱。青赤氣如月初生。背日者爲背。又曰背氣青赤而曲向外爲叛象。分爲反城。珣者如帶珣在日四方。青赤氣長而立旁爲直。日旁有一直敵在一旁。欲自立從直所擊者勝。日旁有二直三抱。欲自立者不成。順抱擊者勝。殺

將 氣形三角在日四方爲提 青赤氣橫在日上下爲格

氣如半暈在日下爲承承者臣承君也又曰日下有黃氣三

重若抱名曰承福人主有吉喜且得地 青白氣如復在日下

者爲履 日旁抱五重戰順抱者勝日一抱一背爲破走抱者

順氣也背者逆氣也兩軍相當順抱擊逆者勝故曰破走日抱

且兩珥一虹貫抱抱至日順虹擊者勝殺將日抱兩珥且珥二

虹貫抱至日順虹擊者勝日重抱內有珥順抱擊者勝亦曰軍

內有欲反者日重抱左右二珥有白虹貫抱順抱擊勝得二將

有三虹得三將日抱黃白潤澤內赤外青天子有喜有和親來

降者軍不戰敵將軍罷色青黃將喜赤將兵爭白將有喪黑將

死日重抱且背順抱擊者勝得地若有罷師日重抱抱内外有
珣兩珥順抱擊者勝破軍軍中不和不相信日旁有氣員而
周匝内赤外青名爲暈日暈者軍營之衆周環匝日無厚薄敵
與軍勢齊等若無軍在外天子失御民多叛日暈有五色有喜
不得五色有憂凡占兩軍相當必謹審日月暈氣知其所起
留止遠近應與不應疾遲大小厚薄長短抱背爲多少有無實
虛久亟密疎澤枯相應等者勢等近勝遠疾勝遲大勝小厚勝
薄長勝短抱勝背多勝少有勝無實勝虛久勝亟密勝疎澤勝
枯重背大破重抱爲和親抱多親者益多背爲天下不和分離
相去背於内者離於内背於外者離於外也

宋史天文志凡黃氣環在日左右爲抱氣居日上爲戴氣爲冠
氣居日下爲承氣爲履氣居日下左右爲紐氣爲纓氣抱氣則
輔臣忠餘皆爲喜爲得地吉兩珥氣員而小在日左右主民
壽考三珥色黃白女主喜純白爲喪赤爲兵青爲疾黑爲水四
珥主立侯王有子孫喜日旁雲氣白如席兵衆戰死黑有叛
臣如蛇貫之而青穀多傷白爲兵赤其下有叛黃臣下交兵黑
爲水日始出黑雲氣貫之三日有暴雨青雲在上下可出兵有
赤氣如死蛇爲饑爲疫雜氣刺日皆爲兵日暈七日內無風雨
亦爲兵甲乙憂火丙丁臣下忠戊己后族盛庚辛將利壬癸臣
專政半暈相有謀黃則吉黑爲災暈再重歲豐色青爲兵穀貴

赤堍爲災。三重兵起。四重臣叛。五重兵饑。六重兵喪。七重天下
亡。白虹貫日。近臣亂。諸侯叛。日暈角內有陰謀。陰國用兵
得地。又主大赦。日暈亢。大臣凶。多雨。民饑疫。日暈氐。女主
恣。一曰國有憂。日下興師。日暈房。爲兵。君臣失政。女主憂。
日暈心。王者憂之。日暈尾。女主喪。將相憂。日暈箕。國有妖
言。日暈斗。宰相憂。宗廟不安。日暈牛。爲陰國憂。兵起。日
暈女。後宮及女主憂。日暈虛。民饑。后妃多喪。日暈危。有喪。
日暈室。國憂。女主憂。日暈壁。名士憂。日暈奎。爲兵。爲
火。日暈婁。有兵。大人多死。日暈胃。穀不熟。日暈昂。陰國
失地。趙地凶。又曰大饑。日暈畢。有邊兵。又占有風雨。日暈

皆及三重其下設不登民疫五重大赦期六十日 日暈參有
來和親者一曰大穢 日暈井多風雨有青赤氣在日爲冠天
子立侯王 日暈鬼其分有兵大臣有誅廢者 日暈柳飛鳥
多死五穀不成三抱而戴者君有喜 日暈星周邦君憂青色
抱而順在兵爲東軍吉 日暈張有黃氣抱日主功臣効忠又
曰財寶大臣黜將相憂 日暈箕爲樂官黜上有抱氣三敵心
欲和 日暈軫而生背氣其下兵起城拔視背所向擊之勝
觀象玩占一曰冠青赤氣曲覆日月之上爲冠冠者冠帶之象
也天子當立諸侯封建親戚以爲藩屏白爲喪純赤爲兵日上
有冠三重日下有五虹不出一年立貴人其年小熟有小兵天

下不安。日冠而珥。人主有喜。王朔曰。日冠而有兩珥。最吉。日冠
右珥。石氏曰。邦西有善人出。日冠左珥。邦東有善人出。日冠纓
上下。邦南北有善人出。二曰戴。青赤氣橫在日月之上。隆隆
微起爲戴。其分當有益土。退爵推戴之事。五色鮮明潤澤則吉。
純青爲憂。純赤爲兵。白爲喪。黑爲疫。日戴且冠不中。日者名曰
附。中赤外青黃且潤澤。天子有臣恭得寵者。日戴而珥。天子有
子孫之喜。日重戴左右珥。天子得地若有所立。三曰珥。青赤
氣短小。在日月之旁爲珥。石氏曰。日兩旁有氣短小。中赤外青
其名曰珥。珥者言似耳在兩旁也。日有珥。孝經內記曰。人主有
喜。爲拜將。若有子孫。一曰日珥有風。一曰女主戒之日。朝有珥。

乙巳占曰國主有耽樂之事日夕有珥赤黑白有大客日右珥色赤黑夷人起兵邊邑有叛者日左右有黃珥國有敕令日兩珥熠熠有光人主有喜日有交珥聚一方兵起軍在外者罷京房曰出日四珥將軍亡入日四珥有大兵日朝五珥國愛兵起日有六珥廿氏曰是謂大提不出六十日其分有喪若有赤雲掩日則下有亡國多珥臨日有雨有客來言北方事日珥中有赤雲貫日名士死王朔曰兩軍相當日珥等無相奈何日生珥四面色暈紅黃如電一年內有大兵大旱天火為災人民驚恐朔日日一珥二珥主風雨三珥大風雨四珥臣背君兵起大旱四曰抱青赤氣彎曲向日為抱抱者扶抱向就之象日月有

抱他國有來降附者亦爲有子孫喜王朔曰氣向日月如暈狀而短爲抱抱多來親附者衆多也日黃抱君得地日三抱天子喜色赤黃白皆吉日四旁各有重抱四方信附日旁有黑抱戰勝無軍有欲和親者夏氏占曰兩軍相當日有兩抱齊等先衰者敗同時而消則無勝負日抱而其旁有黃氣如人佞者人主有賢佐無軍在外而一抱一背者臣不和日抱且背且瑯逆順相參抱多則順者多背瑯多則逆者多抱明而久背瑯不明而先滅則順勝以是推之凡有抱者以攻戰從抱擊之勝芒刺外則內勝芒刺內則外勝抱明厚有芒刺背則逆者滅背瑯明而抱先去則忠臣受殃他倣此日將出未出上有黃氣如半暈覆

日人主有德令。五曰背。青赤氣曲而背日月者。背叛乖離之象。日有背。其分有反。城叛將。邊將欲去。善防之。背多者。反者多也。日四旁俱有背。四方俱有反者。六曰珣。青赤氣曲向外。中有橫枝。欲似山字。曰珣。缺傷之象也。又曰如弓形而有牙。其占爲君臣不和。上下傷缺。兩軍相當。所臨者敗。王朔曰。珣者決也。臣下急也。形如背微小。而鉤爲珣。見則有反者。日旁一珣。萬人死其下。四珣五珣。反者如珣之數。日有背珣。四直交其中。臣欲爲邪。色中青外赤。有芒刺。爲逆。中赤外青。無芒刺。爲謀。日背而內有珣。色中黑外赤。大臣反。天子有憂。七曰直。青赤氣長及丈餘。正立。日月之旁。曰直。其分有自立爲王者。又曰短爲珥。長

爲直夏氏占曰日有黃直君立臣有青赤直臣自立日有二背
一直大臣欲自立 八曰交青赤氣狀如雨直相交在日月上
下左右曰交交者淫悖之氣也恒以八月上旬丙日候之日旁
有交赤雲其下有兵又曰日旁有兩氣相交或向貫穿或相向
背皆爲天下兵起亦爲內亂軍不和日旁有交從交所擊者勝

九曰提日月四旁有赤雲曲屈如鉤向內有牙出之名曰四
提如玦珥而曲長不出其年兵起亦爲亡地有自立者日暈而
提向外外臣叛向內內臣叛荊州占曰日旁有四白雲曲而向
日四方曰提見則有自立者日有四提有大兵大饑有大雨則
灾不成日六提布貴天下亂 十曰纓青赤氣小而交於日下

爲纓日纓而珥後宮有喜 十一曰紐青赤氣兩邊交曲而雙
垂爲紐一曰青赤氣小圓^而或一或二在日月上下左右爲紐纓
紐同占 十二曰承青赤氣如半暈在日下爲承日月下有黃
氣二三重如抱狀名曰承人主有喜得地 十三曰履青白或
青赤如履在日下爲履一曰青赤氣立在日月下爲履皆喜氣
也一曰日下有赤黑氣如履謂之履天子有喜外國有來歸者
十四曰格格者格鬪之象其占爲有兵戰 十五曰戟戟者
戈戟相傷之象其占爲兵起 十六曰暈日暈有軍在外則爲
軍營之象對敵有暈厚而鮮明久留者勝在東東軍勝在西西
軍勝南北亦如之京房曰日暈有兵在外者客勝夏氏占曰日

暈而明有兵兵止無兵兵起不戰凡兵發而日月暈有厚薄則得厚者勝漸滅則留者勝日有黃暈風雨以時物賤人安黃暈再種公卿不職工役煩興穀傷兵起日有青暈不出其旬有大風大寒米粟大貴民疾疫一歲再見貴再倍大饑青暈再重不出六十日兵起日有黑暈大水傷五穀敗室宅糶十倍三旬乃止一日災在用事之臣黑暈再重內臣貪財大水人流夏霜冬雷其下國大敗日有白暈歲多暴風春雪霜民多病犬多狂白暈再重所見之國多風雨民不安穀貴不出九十日有急兵日有赤暈其日有大雨雷震殺人畜且有大熱赤暈再重所見之國有蝗蟲旱穀貴盜起赤暈三重四重五重兵起大饑日暈青

黑、女主憂、日暈中赤外青、羣臣親附、外赤中青、臣外其心、日暈
黃濁黑潤、動搖爲惡風雨、不動搖爲有憂病、凡日暈色青爲饑、
爲憂、色赤爲旱、爲兵、色白爲喪、色黑爲水爲病、色黃而潤爲喜、
黃燥則爲旱、爲風、夏氏占曰、日重暈、攻城圍邑不拔、日有交暈、
立大夫爲將軍、交暈無厚薄、交爭勢均、有厚薄、厚者勝、交暈居
上者勝、一曰日交暈、人主左右有爭、交暈貫日、其下有破軍死
將、客敗、交暈抱日、候其先滅之處、從其處攻之、勝、交暈如連環、
兩國爭地、有亡國、兵在外則兩軍皆動、日暈不匝、暈所在兵勝、
當其空面者敗、日兩旁暈相向者、風殘五穀、日半暈如鼎蓋、有
欲請和親者、日半暈東向、西夷欲反入國、西向、東夷欲反入國、

南北如之日有半暈再重民和歲吉日暈如車輪之半軍在外者罷無軍在外則兵起日半暈中央廣兩頭銳從有處擊無勝度勝日暈如井幹如車輪其國皆以兵亡日方暈天下不和兵起其國敗日以庚子日暈有赦令正月朔旦日暈其分小熟正月日五暈歲大熟正月日暈春不可起兵日以正月若五月一月之中九暈多熟一月之中三暈軍分為三日始出而暈其國有死君不則有亡師日始出其上有暈如車蓋其日有雨日朝夕暈是謂失城有兵主人不利日暈而珥宮中多事七日不雨審察宮中一曰有拜將立候王一曰天子更令一曰主有謀軍在外外軍有悔一曰貴人有罷國有謀反者日暈而珥於軍上

將軍易。一曰有破軍。珥貫至日。有殺將。兩軍相黨。日暈而珥先
舉者敗。戰則珥所在之方勝。日暈而珥有雲穿之。天下名士死。
一曰士卒多死亡。日暈而珥。白雲掩映。有大兵。日暈兩珥。下有
黃雲。人主有喜。日暈兩珥。黃雲貫之。不出三月。貴人有死者。日
一暈兩珥。有立雲貫日出。國多妖孽。有大疫大喪。日暈兩珥。聚
雲其中。其城圍。日暈而兩珥在外。中若外有聚雲。不出三日。城
圍中出戰。日暈中有四珥。將亡。改立侯王。一曰有反者。日重暈
兩珥。有兵爭。日重暈。暈中有珥。天子有喜。日暈三重而珥。國有
反者。日交暈而珥。天下兵起。有兵則罷。日暈且冠。石氏曰。王
者有拜謁。若立諸侯。有德令。大赦。日暈且戴。人主有德令。日暈

而冠且戴天下有立侯王若自立者其分益地日暈而冠三珥
天子有喜有大赦亦爲拜大將軍日暈且戴有兩氣如珥形中
赤外青其名曰珥色皆黃白潤澤有獻寶玉奇璧者日暈有冠
珥且紐人主有喜兩軍相當而日暈有冠珥及纓者皆爲和解
抱戴則爲有喜日暈而冠三重日下有虹長數丈不出其年有
反者有兵饑日暈而抱且珥易上將日暈而外有珥且抱圍城
者勝日暈而暈中有珥一抱受圍者勝日暈旁有兩珥下有抱
天子有喜得地日暈外有一直臣欲自立有二直有二人欲自
立明者成色黑不明者死一曰赤中青外者成青中赤外者不
成日暈外有直而有黃白氣承之則爲立王日暈而有三直欲

自立者不成日暈而四提大將出奔日暈一背一珎臣有反者
出暈則事成日半暈一背一珎有邪謀不成日暈而四背珎在
暈內內臣叛在暈外外臣叛日暈中有兩背兩珎又有半暈臨
日有反臣中起不成日暈有三四五六背珎其端盡出者反從
內起日暈而有戴且有抱珎其色皆內赤外青光色潤明者其
國有喜日潤而珎有兩背珎在暈中其國戰不勝日暈而有赤
雲如破車輪向日爲內提內臣叛背日爲外提外臣叛日暈再
重而有兩珎白虹貫之有大兵日暈而有一抱一直一珎人主
喜且有所立日月無精光而有赤青暈虹蜺背珎而在心度中
是謂大過其國有兵喪日暈有聚雲在旁色黃白青白兵行

黑白內亂青赤兵解青黑兵戰日暈有雲氣從外入者外兵入
從中出者內兵出圍城而有雲從外貫暈入者外兵戰勝從內
貫暈出者城中兵戰勝五色同占日暈有聚雲如羽如毛臨日
不去其國有兵憂日暈有雲如人在暈中背日者臣叛向日者
臣忠日暈不合有雲如人在日外似相就者攻城不勝日暈不
合有雲如牛從暈外來入暈中有反臣日暈有雲氣如牛入居
暈中不出三日寇入城無兵在外防姦客日暈有赤氣如建鼓
貫日大旱日暈旁有赤雲氣如節如旗狀在外亦曰蚩尤之旗
兵起日暈有白氣陵暈有兵在外大戰順氣者勝日暈旁有雲
氣
圓如日狀內有謀反者日暈有白虹貫日虹所起有反者日重

暈有白虹貫日圍城則客勝日暈而日中烏見軍敗日暈各以其日所在辰及星宿國分占之 日暈角王者憂日暈亢宗人死大臣戮日暈氐廿氏曰大將有殃人多病死日暈房兵起日暈心國易政人饑兵起日暈尾陰國弱日暈箕大風爲敗日暈斗宗臣囚死日暈牛暴兵起日暈女武密占曰後宮有病者日暈虛丞相下獄日暈危其下有廢主日暈室外戚弄權日暈壁人君棄賢用佞日暈奎其分守臣黜日暈婁主金錢者黜一曰宗廟災日暈胃主倉庫者黜一曰天下有兵先戰者不勝日暈昂胡大饑國亂日暈畢趙魏之君有憂日暈觜陰國弱一曰戎狄國多疾疫一曰臣憂有大水且旱日暈參鮮卑國君死邊兵

出將軍憂日暈井多陰雨大風日暈有大喪日暈柳厨宰之官

點日暈星鳥獸多死日暈張財寶大出其分君凶日暈翼禮樂

壞弛日暈軫內兵出太子憂十七曰負負者抱之類也日暈

負且戴國有喜戰從戴所擊者勝日重暈有四負國內亂三日

雨不占按以上十七象觀象玩占作日月旁氣而其占有兼日月者亦有專言日者晉志載十六象而無欠象占則專

言日惟占兩軍相當必審日月暈氣乃兼月言蓋日月旁氣俱可有此十七象而日重月輕其占應為日言者多也

日旁氣如龍即日及如人卧背日其下有反臣日旁雲氣如虎

守日大將謀亂日旁有雲氣相交如蛇其下有賊宜防之日旁

有雲氣如卧人有死將日旁有雲氣如牛守日其國兵亂日旁

有雲氣如馬守日有兵戰青鳥守日司徒欲為不道青龍守日

有雲氣如馬守日有兵戰青鳥守日司徒欲為不道青龍守日

臣謀上一曰天子慎飲食日旁有雲氣如人行兩國兵爭臣謀主日下雲氣如兩青鳥相向主人憂日下雲起如青赤馬敵人相謀宜急設備日下有黑雲氣如蛟龍其日有雨在日上者同日下漠漠有氣如車馬鳥蛇或如人被甲而走或如虎躅皆爲大將叛日上下四旁有雲氣如車相隨有大水日下有氣如箭外向三日兵出日旁有氣青白如鏡圓明其下有賢人隱日上下有青氣可以出軍戰必勝青雲潤澤從西北來蔽日必舉賢良青氣疾來縱橫貫日有姦人入城營青氣三道貫日國有讒人將軍失位日旁有赤氣如席萬人戰死其下日旁有赤雲曲如車輪其下有兵亡地日旁有赤雲如帶夾日日旁有赤雲兩

頭銳其下不宜先舉兵。日上有赤雲如雄鷄，其分有兵喪。日旁有赤雲如衆樹，有兵起。客勝，赤雲如鳥啄日，兵起。赤雲如兩鳥夾日，其國亡。君日下有赤氣形如懸鏡，先舉兵者敗。日上有赤氣，客軍將死。日下有赤氣如鋒刃在兩旁，破軍殺將。赤雲如虹與日俱出，所臨之國有兵起。日上下有黃氣，君有喜。白氣自下上衝日，君憂。白氣圍日，有亡城。日下有白氣如揭旗幟，天子有喜。其分，君亦喜。白氣貫日，軍在外將死。白氣交錯貫日而過，軍不和失律。黑雲氣貫日，臣謀逆有軍在外。客將死，黑雲氣入日。有大雨。四時王日有雲氣如虎守日，以五色占。如色克其時令者，臣不利於君。日出沒時有雲氣橫截之，白為喪，黑為驚。三日。

內有雨則己赤氣隨日出軍有憂隨日沒外告急日旁氣如虹
貫日青為疫五穀傷赤為臣有欲反者白為兵起黃為交爭黑
為大水日氣如虹中天而下至地其所下兵大起日垂青足所
下有疾日垂黑足將軍凶日入照天赤雲四方盡赤大旱兵起
久旱而有赤雲遍天照映山谷則來日有雨凡日月旁氣去疾
者禍福皆輕留漸久者漸重竟日連夜則禍福俱大也

天文會通日暈左右角冉重內赤外青白者其下用兵三重內蒼白外
青赤其國羅貴日暈亢有青氣環覆者主歲不熟有黃氣回覆者
朝廷有喜慶事有黑氣回覆者天下大水荒羅貴人死日暈在左旁有
兩珥者公卿大夫有憂若日上有冠氣色黃者後宮有子孫之喜日暈

房旁有兩珥當有大慶若有三珥女主喜有四珥者天子當立
侯王亦子孫之慶日暈心再重內青白外赤黃主兵自外內赤
黃外青白主兵內起日暈心外有黑雲相奄覆者其國有臣下
坐法日暈尾燕國有急兵日暈尾有白氣如帶縈結暈外者其
國有疾疫若黑氣奄覆者其分大水日暈箕後宮有相諧而坐
罪者日暈箕再重內赤黃外青白其下有急兵亦曰後宮有恐
日暈斗有黑氣奄覆其國饑糴貴日暈牛開口旁無他家期五
日有風雨日暈女后不親蠶天下不務女工日暈虛民饑日暈
危復有白虹貫之其國有死君為亡地日暈室再重內青黑外
赤黃傍有黑氣往來暈中其國有兵喪日暈壁日中有黑子者

其野有賢臣失職亦曰國有名士坐事日暈奎府庫有火災日
暈婁再重內有黑氣者其國車騎滿野日暈胃天厨有火災一
曰供養之官有陰謀日暈昂有冤獄事日暈畢夷狄強盛兵起
外國大臣凶多風雨損禾稼人民疾疫有冤獄其國饑日暈觜
夷狄強將相愛日暈參大將有憂其國有殃日暈井法令滋張
天下獄起日暈鬼有疾疫人多死日暈柳五日內有雷雨作日
在柳暈不合如半車輪者其國有飛蝗日暈星一重不周者期
三日有暴風雨暈三重周遍者其野有災亦曰女有憂日暈張
衣裳失度天子有飲食憂日暈翼不出三日有風雨日暈三重
在軫周徧其野車騎四出

管窺輯要日暈無光君失道下專刑分威日不光也白氣射暈
所向軍敗三日內避之言若無兵敵將軍改移之兆日闕者別
有假象共日體相凌離而復合合而又離日魄失光乍明乍暗
爲日闕闕者兩侵之象赤雲蔽日大如梓軍在外萬人死氣如
箭射向日下軍出三秋日始出有雲如車張蓋則必雨矣二白
雲扶日國憂兵起赤雲如鳥夾日而飛主君憂君聖臣賢天下
心順則氣如龍鳳龜鶴形環而抱之也

日旁星占

觀象玩占。日月與大星並見。是謂爭明。大國弱。小國強。天下有立王。若星月有光。而日無光。則大國亡。妖星與日並出。名曰婦女星。與日爭光。夫弱婦強。在邑在野。為喪為兵。彗星見日旁。天下大兵。日當午。有星在日下。妃妾謀君。日當午。四星環之。侯王奪主國。五星環之。太子為不利。二星夾日。下人謀上。姦臣在內。閹臣謀反。左右夾日者。將軍與內臣合謀。又曰。天子不能制下。則星與日並出。是謂內弱外強。日左有星。仍有珥。五十日內大亂。日左右有星。兄弟謀主。流星映日。赤色向日流者。天下不安。九州荒蕪。流星映日前。珖後方者。天下震動。日無光。

者天下大疫人半死流星晝見衝日臣下謀亂天下陰謀相奪
百姓流亡四海俱殃流星日將入而見前赤後白大臣欲謀國
而發使也流星日未入而墜其光映天野有大災兵起大戰流
血大旱兵在外則將死

欽定天文正義卷十

日食占

日食占

史記天官書日月薄蝕集解孟康曰日月無光曰薄京房易傳曰日赤黃為薄或曰不交而蝕曰薄韋昭曰氣往迫之為薄虧毀為蝕

宋史天文志日食為陰蔽陽食既則大臣憂臣叛主兵起日食在正旦為者惡之

開元占甘氏曰日食三日有雨解之

觀象玩占李淳風曰日依常度蝕者月來掩之也臣下蔽君之象人君當慎防權臣內戚在左右者其食雖依常度而災害在於國君大臣人或疑之以為日月虧蝕可算食分多少早晚起

復莫不先期知之。此豈天災之意耶？夫月毀於天而魚腦減於
衆陰陽之氣迭相感應。自然之理。東風至而酒湛溢。東風非故
爲溢酒來也。風至而酒自溢。象見於天而災自應於下。理固然
耳。有道之君修德而無咎。恭亂之主傲虐而成災。譬之陽燧取
火。方諸取水。以他鏡求之而不得。感召之理。信不誣矣。日食
陰侵陽。下陵上。婦乘夫。臣犯君之象也。日食則失道之國亡。乙
巳占曰。凡日食爲有兵有喪。失地亡國。皆以蝕時早晚宿分日
辰占之。日入地而食。大人當之。日從地下蝕。出而虧。當有兵。
視其虧處以占兵起之方。日始出而蝕。是謂棄光。齊越之國
受兵亡地。日中而蝕。甘氏曰。荆魏受兵亡地。海內兵起。日晡而

食兵將罷日將入而蝕大人出兵燕趙當之武密占曰日出至
食時蝕宋鄭當之食時至禺中楚當之禺中至日昃秦當之日
昃至晡時魏當之晡時至日入燕當之日入至人定代當之皆
為不出三年有喪日蝕而有氣如虹在日上者近臣犯上甘
氏曰近臣謀上日蝕而暈傍珥白雲來去掩映兵大起日
蝕而傍有似白兔白鹿守之者民為亂臣逆君不出其年其分
兵起日蝕而有雲氣風冥暈珥似有群鳥守日名曰天鷄外
戚有謀日蝕而有雲如虎守之大臣謀君石氏曰君族有伏
謀日蝕而有雲如坐人於上者君安居下者臣安日蝕而
傍有黑雲繞圍之者臣下無君日食且有大雲下垂民饑賊

起 日蝕而有交暈貫日中兩軍爭後起者勝 日蝕有四珥
從上而下天子起兵從下而上天子有喪 日蝕而大風地鳴
四方有雲宰相專權謀反 日將蝕而地震裂日色昧而寒乃
蝕者方伯專誅恣行殺害君不能制 日蝕已而風起地動大
臣專制諸侯不臣有亡君 日蝕而大寒且在平旦中國大饑
賊起四夷為亂諸侯反逆一日日蝕而寒夷狄兵動 日蝕已
而寒天下饑盜賊起 日蝕而陰冥臣蔽主 京房曰日蝕旺
為君相為臣因為罪人死為夷狄休為民有兵從蝕所來在三
年之內且有火災

日食四時占

觀象玩占。日春蝕。甘氏曰。有女喪。乙巳占曰。年大凶。日夏蝕。甘氏曰。諸侯多死。一曰無年。日秋蝕。甘氏曰。有兵。乙巳占曰。有兵戰。日冬蝕。甘氏曰。相死。乙巳占曰。多死喪。甘氏曰。日食春丙丁。夏庚辛。秋壬癸。冬甲乙。日皆為相死。春庚辛。夏壬癸。秋丙丁。冬戊己。日皆為悖逆。日夏食陽為南國。陰為北國。是為禍國。

日食十二月占

正月日食

開元占石氏曰正月日食不見光人多疾

觀象玩占京房曰大臣死不死則黜黃帝占曰大人走乙巳占
曰人多病陳卓曰五穀貴齊大凶武密占曰兵起人流

二月日食

開元占石氏曰二月日食不見光人多喪

觀象玩占大旱石氏曰人多死陳卓曰豆貴牛死魯大凶
管窺輯要國憂六畜死傷

三月日食

觀象玩占石氏曰水大出陳卓曰絲綿布帛貴楚大山武密占
曰有旱饑

四月日食

觀象玩占臣有憂石氏曰大旱陳卓曰牛無食六畜死宋大山武
密曰旱疫

五月日食

觀象玩占諸侯多死乙巳占曰大旱人饑陳卓曰牛死六畜貴
梁大山武密曰兵起東北

管窺輕要夷狄亂侵凌封疆

六月日食

觀象玩占石氏曰六畜貴陳卓曰五穀貴沛大凶武密曰大臣死

管窺輯要公私不藏

七月日食

觀象玩占乙巳占曰歲惡秦國惡之陳卓曰繒帛貴陳大凶武密曰兵起人流亡京房曰大水

八月日食

觀象玩占石氏曰兵起陳卓曰兵甲貴鄭大凶武密曰兵饑管窺輯要損稼

九月日食

開元占衛國大惡

觀象玩占石氏曰布帛貴陳卓曰鹽韓大山乙巳占曰女工貴

武密曰饑疫

管窺輯要民憂有喪

十月日食

觀象玩占石氏曰六畜貴陳卓曰魚鹽貴秦大山武密曰冬旱

管窺輯要羗反必有暴霜

十一月日食

開元占石氏曰十一月日食不見光趙國大惡

觀象玩占石氏曰魚鹽貴陳卓曰燕大山乙巳占曰糴貴牛死

武密曰人畜俱疫

管窺輯要畜疫及蝗蟲

十二月日食

觀象玩占京房曰其下有兵石氏曰穀貴牛死陳卓曰糴貴趙
大凶武密曰水災夏麥不收

管窺輯要小兒死損麥

日食干支占

史記天官書月食常也日食為不減也甲乙四海之外日月不占丙丁江淮海岱也戊己中州河濟也庚辛華山以西壬癸恒山以北日食國君月食將相當之

宋史天文志甲乙日有二珥四珥而食白雲中出主兵丙丁黑雲天下疫戊己青雲兵喪庚辛赤雲天下少主壬癸黃土功

日食在寅卯辰水招謀者司徒也巳午未火招謀者太子也申酉戌金司馬也亥子丑水司空也

觀象玩占武密曰日食子日兵起丑寅卯皆旱辰兵巳火災午兵未水申酉皆為兵戌草木傷亥小人用事

管窺輯要日食子日兵起丑日憂寅日旱卯辰日將死巳午日
火災未申日兵起酉日民流兵起戌日傷稼亥日水旱

日食六十花甲占

甲子日

觀象玩占。甲子日蝕。北夷有謀。不則大水在東方。一曰夷兵起。

乙丑日

觀象玩占。乙丑日蝕。五穀蟲傷。一曰大旱。

丙寅日

觀象玩占。丙寅日蝕。有小旱在東南。一曰有旱蝗。

丁卯日

觀象玩占。丁卯日蝕。有小旱在東南。一曰有旱蝗。

戊辰日

觀象玩占戊辰日蝕有地動在東南

巳巳日

觀象玩占巳巳日蝕諸侯起兵在西南一日火災

庚午日

觀象玩占庚午日蝕有大旱在南方一日有兵災

辛未日

觀象玩占辛未日蝕有蟲在東方一日水潦

壬申日

觀象玩占壬申日蝕有小兵寇盜並行

癸酉日

觀象玩占。癸酉日蝕。有兵始於西方。一曰淫雨數降。

甲戌日

觀象玩占。甲戌日蝕。有小旱在西南。

乙亥日

觀象玩占。乙亥日蝕。有陰雨。又曰冬無冰。

丙子日

觀象玩占。丙子日蝕。兵行在東方。後有大水。一曰夏霜為災。

丁丑日

觀象玩占。丁丑日蝕。有小兵。一曰三公有憂。

戊寅日

觀象玩占戊寅日蝕歲旱一曰多大風

己卯日

觀象玩占己卯日蝕有蟲一曰多盜

庚辰日

觀象玩占庚辰日蝕有水在東北一曰有兵旱

辛巳日

觀象玩占辛巳日蝕兵行在西北

壬午日

觀象玩占壬午日蝕三公與諸侯相賊旱且水

癸未日

觀象玩占。癸未日蝕。僭上侵下。臣謀其君。在東北。有小蟲。

甲申日

觀象玩占。甲申日蝕。有小水在晉。一曰四月雨霜。

乙酉日

觀象玩占。乙酉日蝕。君弱臣強。一曰賢人遠退。

丙戌日

觀象玩占。丙戌日蝕。大旱。火從天墜。一曰訟公_多冤者。

丁亥日

觀象玩占。丁亥日蝕。有蟲在西北方。

戊子日

觀象玩占戊子日蝕有大水在東方一曰宮中有憂

己丑日

觀象玩占己丑日蝕有小兵在西方一曰下民憂

庚寅日

觀象玩占庚寅日蝕有小旱在東南方一曰將相災骨肉相賊

辛卯日

觀象玩占辛卯日蝕有蟲在東方

壬辰日

觀象玩占壬辰日蝕有大水在東方

癸巳日

觀象玩占。癸巳日蝕。諸侯相伐。一曰權不一。

甲午日

觀象玩占。甲午日蝕。南夷君弑。大旱。一曰蟲灾。

乙未日

觀象玩占。乙未日蝕。有地動。

丙申日

觀象玩占。丙申日蝕。有大水。

丁酉日

觀象玩占。丁酉日蝕。有兵起西北方。一曰侯王侵。

戊戌日

觀象玩占、戊戌日蝕、有旱。

己亥日

觀象玩占、己亥日蝕、小人持政。

庚子日

觀象玩占、庚子日蝕、大水。

辛丑日

觀象玩占、辛丑日蝕、君疑臣、三公有免黜者。

壬寅日

觀象玩占、壬寅日蝕、小旱在東南。

癸卯日

觀象玩占、癸卯日蝕、有蟲、一曰外國伐主

甲辰日

觀象玩占、甲辰日蝕、有水

乙巳日

觀象玩占、乙巳日蝕、諸侯上侵、以自益、近臣盜竊、以為積、東國起兵

丙午日

觀象玩占、丙午日蝕、大旱在南方、一曰民多流亡

丁未日

觀象玩占、丁未日蝕、有蟲、地震

戊申日

觀象玩占、戊申日蝕、有小水、地動、諸侯爭、

己酉日

觀象玩占、己酉日蝕、西夷有弑君、有大兵西行、

庚戌日

觀象玩占、庚戌日蝕、有小旱、一曰臣下相侵、

辛亥日

觀象玩占、辛亥日蝕、有蟲害、一曰臣有憂、

壬子日

觀象玩占、壬子日蝕、同姓諸侯任政者不臣、一曰女主憂、

癸丑日

觀象玩占、癸丑日蝕、寇盜行兵、一曰水潦為敗、

甲寅日

觀象玩占、甲寅日蝕、同姓大臣有謀、有旱、

乙卯日

觀象玩占、乙卯日蝕、權臣專政、不出三年誅有蟲、一曰雷不行、
霜不殺、

丙辰日

觀象玩占、丙辰日蝕、山水大出、

丁巳日

觀象玩占、丁巳日蝕、有小兵、一曰其下有聚兵

戊午日

觀象玩占、戊午日蝕、大旱

己未日

觀象玩占、己未日蝕、臣不安居、群陰謀侵、地大動、一曰其王失
土

庚申日

觀象玩占、庚申日蝕、骨肉相殘、有水、一曰夷狄內侵

辛酉日

觀象玩占、辛酉日蝕、有兵、一曰奸邪欲起

壬戌日

觀象玩占壬戌日蝕小人用事

癸亥日

觀象玩占癸亥日蝕大雨水

日食宿分占

日食在角

觀象玩占黃帝占曰將吏憂國門閉其國君凶甘氏曰戒在農田之官京房占曰其國不安一曰貴臣憂其邦不實

日食在亢

唐書天文志日食在亢亢為䟽廟

開元占春秋感精符曰日蝕亢中其邦君有憂

觀象玩占石氏曰其謀在朝臣之有罪者荊州占曰有反者伏誅武氏占曰外諸侯有謀入內者

日食在氐

唐書天文志日食在氐諸侯專權其應在所宿國

宋史天文志日食在氐卿相有讒諛一曰大臣憂

觀象玩占甘氏曰戒在公卿大夫且有相諧誤主使過刑者

管窺輯要內政不平

日食在房

宋史天文志日食在房爲兵大臣專權

觀象玩占日在房蝕石氏曰人主憂一曰大臣有黜者一曰大

臣有相諧而坐法者

管窺輯要地震

日食在心

宋史天文志日食在心、刑罰不中、將相疑、民饑、兵喪

觀象玩占、甘氏曰、君臣相疑、政令乖錯、將相異心、石氏曰、臣謀叛

管窺輯要、歲旱、火災

日食在尾

宋史天文志、日食在尾、將有疾、在燕、風沙、兵喪、後宮有憂、人君

戒出

觀象玩占、甘氏曰、有疾、風發、屋折、木、天文論曰、將死、一曰貴臣有刑者、武氏占曰、燕地饑、北夷侵境

日食在箕

宋史天文志日食在箕將疾佞臣害忠良皇后憂大風沙
觀象玩占有疾風發屋折木
管窺輯要凶荒兵起

日食在斗

宋史天文志日食在斗將相憂兵起皇后災吳分有兵
觀象玩占春秋感精符曰國饑凶甘氏曰其國反叛

日食在牛

觀象玩占日在牛食其國兵起

天文會通牽牛主開梁犧牲日在牛宿食國上淫祀亦主淫巫
害風教又曰犧牲倍貴

管窺輯要牛多疾

日食在女

宋史天文志日在女蝕越分饑后妃疾
觀象玩占天下女子憂女工不成

日食在虛

唐書天文志日食在虛虛耗祥也

宋史天文志日食虛分其邦有喪

觀象玩占戒在主市租稅及繒帛器物金玉之臣武審占曰天
饑兵起

管窺輯要臣灾

日食在危

唐書天文志日食在危危為元枵亦耗祥也
宋史天文志日食危陵廟推有大喪有叛臣
開元占甘氏曰日食危不有兵喪必有大臣薨

日食在室

宋史天文志日食在室國君憂王者將兵一曰軍絕糧士卒亡
觀象玩占天下擾一曰外戚擅權君戒出入

管窺輯要人民乏食

日食在壁

宋史天文志日食於壁陽消陰壞男女多傷國不用賢
管窺輯要文士多難

日食在奎

宋史天文志日食在奎魯國凶邊兵起及水旱
觀象玩占其邦君不安一曰有白衣之會南邦不寧京房曰三
公與諸侯相賊又曰三公失位一曰廐庫起兵

日食在婁

唐書天文志日食在婁占為大臣憂

觀象玩占小臣不忠大臣受誅甘氏曰戒在聚斂之臣

日食在胃

唐書天文志日食在胃占曰主有疾

宋史天文志日食在胃大臣誅一曰乏食其分多疾穀不實又
宋曰有委輸事

天文會通倉庫不實府庫不充王庖不盈王者惡之其分有憂
兵起

日食在昴

宋史天文志日食在昴王者疾宗姓自立又占邊兵起

觀象玩占其分有殃石氏曰日危圜圜者解甘氏曰主獄之臣
有亂法者

天文會通天下起冤獄一曰其國有獄事亦為大臣下獄又曰
天下大水其野有兵

日食在畢

宋史天文志日食在畢邊王死軍自殺其主遠國有謀亂
觀象玩占將相有以家坐罪者石氏曰主獄之臣黜

日食在觜

宋史天文志日食在觜臣犯主戒在將臣

觀象玩占夷狄兵起將戮

天文會通其野有兵喪三軍饑死

管窺輯要奸臣伏誅

日食在參

宋史天文志日食在參大月憂臣下相殘陰國強

觀象玩占兵起甘氏曰戒之在將帥之臣一曰大旱人食草木

巫咸曰晉國有殃其君凶其分有拔城大戰又曰田荒米貴

日食在井

宋史天文志日食在井秦地旱民流有不臣者

開元占陳卓曰其國內亂苛法盛

觀象玩占戒之在供養之臣武密占曰陽國弱失地食盡則天

下大旱

日食在鬼

宋史天文志日食在鬼國不安有大喪貴人憂

天文會通盜賊四起一曰其國金玉不收五穀多傷歲歉民饑
百姓離散有大水災

日食在柳

宋史天文志日食在柳宮室不安王者惡之厨官橋道隄防有憂

觀象玩占甘氏曰戒之在門戶橋道之臣若今衛尉是也一日鳥獸死

管窺輯要庖宰太盛大臣灾

日食在星

宋史天文志日食在星文章士受誅其分兵起臣為亂

觀象玩占兵飢婦人灾甘氏曰戒在橋門之臣石氏曰賢士不用

日食在張

唐書天文志日食在張占為失禮

宋史天文志日食在張掌御饌者憂甘德曰貴臣憂

觀象玩占甘氏曰戒在山澤汙池之臣若今水衡也荊州占財

庫官黜

日食在翼

唐書天文志日食在翼占曰旱

宋史天文志日食在翼王者失禮忠臣見譖

天文會通其政事不修於內夷狄則攘於外國將棄祀一曰其

分人君荒淫治道不舉

日食在軫

宋史天文志曰食在軫憂在將相戒車駕之官
觀象玩占貴臣亡一曰國有喪